



## 1. Í leit að vinnu



H4.36

Marina er að leita að vinnu. Hún situr við eldhúsborðið, drekkur kaffi og skoðar atvinnu-  
auglýsingarnar í blaðinu. Þar er ýmislegt í boði. Hún er búin að gera ferilskrá og er að undir-  
búa sig andlega fyrir atvinnuviðtölin. Hún kvíðir svolítið fyrir þeim. Hún heldur að hún tali  
ekki nógu góða íslensku og er búin að vera að æfa sig heima. Kjartan stappar í hana stálinu  
og segir henni að þetta verði ekkert mál. Hún er kennari og bókmenntafræðingur.

### 1.1 Marina og Kjartan



H4.37

- Marina: Hvað þýðir að sýna frumkvæði?
- Kjartan: Það þýðir að taka fyrsta skrefið í ýmsum málum. Koma með nýjar og  
ferskar hugmyndir. Þú ert mjög góð í því.
- Marina: Já, þetta stendur alls staðar í þessum atvinnuauklýsingum. En að vera  
sjálfstæður í vinnubrögðum?
- Kjartan: Það þýðir að geta skipulagt og unnið verkefni sín vel án þess að þurfa  
alltaf að fá hjálp frá öðrum.
- Marina: Já, ég er mjög skipulögð. Og mér finnst bæði gott að vinna ein og  
með öðrum.
- Kjartan: Það verður ekkert mál fyrir þig að fá vinnu!

### 1.2 Spyrjið og svarið



1. Hvað er Marina að gera?
2. Hvernig líður henni?
3. Af hverju líður henni þannig?



### 1.3 Hvaða orð heldur þú að komi í atvinnuauklýsingunum?



- |                                       |  |  |
|---------------------------------------|--|--|
| <input type="checkbox"/> umsókn       | <input type="checkbox"/> matreiðslukennari | <input type="checkbox"/> drykkfelldur      |
| <input type="checkbox"/> sveitarfélag | <input type="checkbox"/> sýna frumkvæði    | <input type="checkbox"/> góð tölvukunnátta |
| <input type="checkbox"/> flugfreyja   | <input type="checkbox"/> stéttarfélag      | <input type="checkbox"/> ósjálfstæður      |
| <input type="checkbox"/> menntun      | <input type="checkbox"/> samviskusamur     | <input type="checkbox"/> hlutastarf        |

## 1.4 Atvinnuauglýsingar



H4.38-41

### **Starfsmann vantar í viðhaldsdeild í háskóla, þarf að geta hafið störf sem fyrst.**

Vinnutími er frá 8-17. Upplýsingar veitir Guðrún Guðmundsdóttir í síma 8673790. Upplýsingar um menntun og fyrri störf sendist á netfangið gudrun@ha.is. Umsóknarfrestur er til 10. desember.

### **Grunnskóli á höfuðborgarsvæðinu auglýsir.**

Eftirfarandi störf eru laus til umsóknar:  
**Umsjónarkennari í 1. bekk** vegna forfalla.

#### **Matreiðslukennari.**

#### **Skólaliðar.**

Laun eru samkvæmt kjarasamningi Launanevndar sveitarfélaga og KÍ eða viðkomandi stéttarfélags. Upplýsingar veitir skólastjóri. Hvetjum karla jafnt sem konur til að sækja um störf.

### **Verslun í verslunarmiðstöðinni Kjarnanum óskar eftir starfsfólki í hlutastarf.**

Umsækjendur þurfa að vera með góða þjónustulund, samvisskusamir, reyklusir, sýna frumkvæði og æskilegt er að þeir séu eldri en 25 ára. Góð íslenskukunnátta skilyrði. Vinsamlegast sendið ferilskrá ásamt umsókn á netfangið verslun@kjarninn.is.

### **Reykjanesbær óskar eftir starfsmanni í eldhús.**

Starfið felur m.a. í sér almenna eldamennsku, frágang í matsal og kaffisölu. Viðkomandi þarf að geta hafið störf ekki síðar en 1. mars. Launakjör eru samkvæmt kjarasamningi Reykjanesbæjar og Eflingar stéttarfélags. Nánari upplýsingar veitir Ásdís Árnadóttir í s. 5019911.

Hvaða starf heldur þú að Marina sækir um?

## 1.5 Skoðu atvinnuauglýsingar í blöðum eða á netinu



Vinnið saman í hóp, skoðið atvinnuauglýsingarnar og talið saman um eftirfarandi spurningar. Gerið til dæmis hugkort.

*Hvað eiga flestar atvinnuauglýsingar sameiginlegt?*

*Hvað er mikilvægt að hugsa um og gera þegar maður þarf að sækja um vinnu?*

## 2. Ferilskrá

### 2.1 Aron Pálsson

<b>Ferilskrá</b>	
	Nafn: Aron Pálsson
	Kennitala: 030677-3989
	Heimilisfang: Stuðlabergi 7, 270 Mosfellsbær
	Heimasími: 5432123
	Farsími: 9874678
	Netfang: aronpa@hotmail.com
<b>Menntun</b>	
Menntaskólinn í Kópavogi. Matreiðsla. Útskrift 2006.	
Gagnfræðaskólinn í Mosfellsbæ. Útskrift 2002.	
<b>Starfsreynsla</b>	
2008-	kokkur á skipinu Gullbjörg RE.
2000-2007	kokkur á skipinu Gullbjörg RE. Sumarvinna.
2003-2006	starfsþjálfun á veitingastaðnum Fiskur og Kjöt í Hafnarfirði.
2002	uppvask á kaffihúsinu Molinn í Mosfellsbæ.
<b>Aðrar upplýsingar</b>	
Ég hef mikinn áhuga á vísindaskáldskap og að tefla. Spila golf í frístundum og hef brúna beltið í karate. Ég er áreiðanlegur, samviskusamur, glaðlyndur og félagslyndur.	




### Hvað segir Fríða frænka?

Skoðið vefsíðuna [www.europass.is](http://www.europass.is). Þar er hægt að gera ferilskrá á 25 tungumálum!

### 2.2 Tölum saman!

- Hefur þú gert ferilskrá á íslensku?
- Hefur þú gert ferilskrá á eigin tungumáli?
- Hefurðu farið í atvinnuviðtal?
- Hvar langar þig að vinna?
- Kanntu karate?

## 2.3 Skrifaðu þína eigin ferilskrá



Nafn:

---

Kennitala:

---

Heimilisfang:

---

Heimasími:

---

Farsími:

---

Netfang:

---

### Menntun

---

---

---

### Starfsreynsla

---

---

---

### Aðrar upplýsingar

---

---

---

## 2.4 Umsókn um starf





H4.42

Til þess er málið varðar.

Undirritaður sækir hér með um starfið sem auglýst var í Árdegisblaðinu þann 22. janúar sl. þar sem Reykjanesbær óskaði eftir starfsmanni í eldhús. Ég er lærður matreiðslumaður og hef mikla reynslu af vinnu í eldhúsi. Ég hef starfað sem kokkur á skipi í mörg ár. Ég get hafið störf í næsta mánuði. Fylgiskjöl með umsókninni eru ferilskrá og meðmæli Halldórs Lúðvíkssonar, skipstjóra á Gullbjörgu RE.

Virðingarfyllst,

Aron Pálsson

 Undirritaður	 Undirrituð
--	--

## 2.5 Skrifaðu umsókn um starf



Finndu auglýsingu í blaði/á netinu og svaraðu henni eða notaðu auglýsingu úr 1.3. Þú þarft ekki að skrifa sem þú sjálf(ur), nema þú viljir það.

---

---

---

---

---

---

---

---

---

---



### Hvað segir Fríða frænka?

Vinnumálastofnun (vmst.is) sér um að skrá atvinnuleitendur og greiða þeim atvinnuleysisbætur. Eins og stéttarfélögin greiðir Vinnumálastofnun stundum hluta af námskeiðskostnaði fyrir atvinnuleitendur.

### 3. Persónuleiki



Við erum öll ólík! Ýmis orð lýsa því hvernig við erum og hegðum okkur í daglegu lífi, bæði í leik og starfi. Sumir eru feimnir og lokaðir, aðrir sjálfsöruggir og opnir. Aron skrifaði í ferilskrá sína að hann væri áreiðanlegur, samviskusamur, glaðlyndur og félagslyndur.

#### 3.1 Hvernig persóna ert þú?



Hvaða orð passa við þig? Merktu við

- |  |  |
|--|--|
| <input type="checkbox"/> hjálpfús          | <input type="checkbox"/> skapandi              |
| <input type="checkbox"/> hugmyndarík/ur    | <input type="checkbox"/> þolinmóð/ur           |
| <input type="checkbox"/> traust/ur         | <input type="checkbox"/> sjálfstæð/ur          |
| <input type="checkbox"/> klár              | <input type="checkbox"/> listræn/n             |
| <input type="checkbox"/> sparsöm/sparsamur | <input type="checkbox"/> skipulögð/skipulagður |
| <input type="checkbox"/> gjafmild/ur       | <input type="checkbox"/> hreinskilin/n         |
| <input type="checkbox"/> heiðarleg/ur      |  |



Hugmyndaríkur maður er maður sem fær margar góðar hugmyndir.



Kanntu fleiri orð sem lýsa persónuleika?



Skrifaðu þau og merktu við þau sem passa við þig



- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_

#### 3.2 Veldu tvö af orðunum í 3.1 og útskýrðu hvað þau þýða á íslensku



---

---

---

### 3.3 Hópvinna – ólíkir persónuleikar



Klippið myndir af fólki úr blöðum, límið á veggspjald og ímyndið ykkur hvernig persónur þetta eru. Skriðið stuttar lýsingar hjá myndunum.

### 3.4 Lýstu persónuleika einhvers sem þú þekkir



---

---

---

---

---

---

---



#### Uppskrift að góðu hjónabandi

- 2 bollar af ást
- 2 bollar af trausti
- 2 bollar af hreinskilni
- 2 bollar af umhyggju fyrir hvort öðru
- 3 dl húmor
- 4 dl gott kynlíf
- 175 g vínátta
- 1 1/2 dl fyrirgefning gefin og þegin
- 3 stórar matskeiðar virðing
- 2 tsk gagnkvæmur skilningur

### 3.5 Hvað einkennir gott hjónaband?



Hver af eftirfarandi þáttum telur þú að skipti mestu máli fyrir ástrík sambönd?

- rómantík
- að eiga gæludýr saman
- að haldast í hendur og horfast í augu
- að vera alltaf saman



Hvað finnst þér? \_\_\_\_\_

### 3.6 Gloria í nýju vinnunni



H4.44

Gloria er nýbyrjuð að vinna á skrifstofu hjá stóru fyrirtæki.

Hún þekkir ekki alla nýju vinnufélagana ennþá og er að læra nöfnin.


Sigríður: Viltu fara með þetta blað til hans Andra. Hann þarf að fá nýjustu tölurnar.

Gloria: Hver er Andri aftur?

Sigríður: Það er þessi sem þú talaðir við áðan. Hávaxni, sköllótti maðurinn í græna jakkanum, með svarta skeggið og stóru gleraugun.

Gloria: Já, þessi fyndni, sem sagði brandarann um bleika ísskápinn?

Sigríður: Já, einmitt. Þessi sem heldur að hann sé fyndinn.





### 3.7 Spyrjið og svarið



1. Hvar er Gloria að vinna?
2. Hvernig lítur Andri út?
3. Finnst Sigríði Andri vera fyndinn?
4. Hvað er gult og rautt og situr uppi í tré?
5. Af hverju getur Halldór ekki aðstoðað Gloriu?
6. Hvernig lítur Anna út?

Bleikur ísskápur Fyndinn maður Nýir vinnufélagar	Bleiki ísskápur <b>inn</b> Fyndni maður <b>inn</b> Nýju vinnufélagar <b>irnir</b>	Þessi bleiki ísskápur Þessi fyndni maður Þessir nýju vinnufélagar
Blá mussa Klár kona Hvítar buxur	Bláa mussan Klára konan Hvítu buxurnar	Þessi bláa mussa Þessi klára kona Þessar hvítu buxur
Svart skegg Rautt hár Stór gleraugu	Svarta skeggið Rauða hárið Stóru gleraugun	Þetta svarta skegg Þetta rauða hár Þessi stóru gleraugu

### 3.8 Breyttu orðunum rétt



- Petta er samviskusamur maður. *Samviskusami* maðurinn vinnur á skrifstofunni.
- Petta er þolinmóður maður. \_\_\_\_\_ maðurinn bíður lengi í símanum.
- Petta er góður strákur. \_\_\_\_\_ strákurinn lærir alltaf heima.
- Petta er sjálfstæð kona. *Sjálfstæða* konan er dugleg í vinnunni.
- Petta er klár kona. \_\_\_\_\_ konan les mikið.
- Petta er hugmyndarík kona. \_\_\_\_\_ konan fær góðar hugmyndir.
- Petta er hvítt hús. *Hvíta* húsið er í miðbænum.
- Petta er rautt hár. \_\_\_\_\_ hárið er mjög fallett.
- Petta er stórt fyrirtæki. \_\_\_\_\_ fyrirtækið er með margt starfsfólk.
- Petta eru heiðarlegir menn. *Heiðarlegu* mennirnir segja alltaf satt.
- Petta eru nýjar buxur. \_\_\_\_\_ buxurnar eru þægilegar.
- Petta eru stór gleraugu. \_\_\_\_\_ gleraugun fara honum vel.

## 4. Framtíð og óvissa

### Ég myndi ... ef ...

Ef þú **fengir** að velja hvaða starf sem er, hvaða starf **myndir** þú velja?

Ég **myndi** verða kvikmyndagerðarmaður ef ég **fengi** að velja hvaða starf sem er.

Ef þú **ættir** margar milljónir, hvað **myndir** þú kaupa?

Ég **myndi** kaupa stórt hús ef ég **ætti** margar milljónir.

Hvað **myndir** þú gera ef þú **værir** hann?

Ef ég **væri** hann, **myndi** ég sækja um starfið

**Myndir** þú hjálpa mér ef þú **gætir**?

Já, ég **myndi** hjálpa þér, ef ég **gæti**!

Ef þú **ættir** eina ósk, hvers **myndir** þú óska þér?

Ég **myndi** óska mér að í heiminum **væri** friður.



### Ég held að ég/hann/hún sé .../Hvað heldur þú ...?

Ég **held** að ég **sé** ófrísk!

Ég **held** að hann **sé** ánægður í vinnunni.

Ég **held** að hún **sé** heiðarleg og traust.

Hvað **heldur** þú að þú **sért**?

### Ég hélt að hann/hún/ég væri .../Ég hélt að þú værir ...

Ég **hélt** að ég **væri** fótbrottinn og fór á slysó.

Hún **hélt** að hann **væri** góður maður.

Hann **hélt** að ég **væri** komin heim, en ég var ennþá í vinnunni.

Ertu hérna ennþá?

Já, **héltst** þú að ég **væri** farin?

## 4.1 Ástþór og framtíðin



H4.45

Ég er atvinnulaus núna en er að hugsa um að sækja um einhverja góða vinnu. Mig langar svolítið að vinna á bát. Mig dreymir líka um að fara í nám og læra vélvirkjun af því að ég hef svo mikinn áhuga á vélum. Ég er aðeins of þungur og ætla kannski að byrja bráðum í ræktinni. Þegar ég verð kominn í gott form, langar mig að kaupa mér ferð á sólarströnd til þess að slappa af. En málið er, að ég er mjög blankur og hef ekki efni á því að fara í gott frí. Ekki ennþá allavega. Kannski kaupi ég mér lottómiða. Ég er hálf slappur í dag og nenni ekki að gera neitt, nema borða kartöflufögur og spila tölvuleiki. Ég ætla að vera duglegur á morgun. Ég er núna að bíða eftir að sæta stelpan sem ég hitti á barnum í gærkvöldi hringi í mig. Ég þori ekki að hringja í hana því ég er svo feiminn.

## 4.2 Hvað myndir þú gera ef þú værir Ástþór? Gerðu lista



1. Ef ég væri Ástþór, myndi ég sækja um vinnu \_\_\_\_\_

2. \_\_\_\_\_

---

---

---

---

---

---

---

---

---

---

## 4.3 Hvernig persónuleiki heldur þú að Ástþór sé?



---

---

---



## 4.4 Tölum saman!



- Ef þú fengir að velja hvaða starf sem er, hvaða starf myndir þú velja?
- Ef þú ættir margar milljónir, hvað myndir þú kaupa?
- Ef þú ættir eina ósk, hvers myndir þú óska þér?

## 5. Hvað kann ég?



### 5.1 Umsókn um starf. Hlustaðu og skrifaðu upplýsingarnar sem vantar



H4.46

Nafn		Kennitala
Heimilisfang		Staður
Heimasími	Farsími	Vinnusími
Núverandi atvinna		
Óskar eftir <input type="checkbox"/> fullu starfi <input type="checkbox"/> hlutastarfi <input type="checkbox"/> fyrir hádegi <input type="checkbox"/> eftir hádegi		
Starfsreynsla/Fyrri störf		
Menntun		
Getur hafið störf		
Annað		
Fylgiskjöl <input type="checkbox"/> ferilskrá <input type="checkbox"/> meðmæli <input type="checkbox"/> annað: _____		

### 5.2 Framtíðin. Hvað myndir þú gera ef þú fengir stóran lottóvinning?



---

---

---

---

---

---

## 6. Sjálfsmat – Petta kann ég!



### 1. Ég kann orð tengd **atvinnu**

- |                                    |  |
|------------------------------------|--|
| <input type="checkbox"/> atvinna   | <input type="checkbox"/> meðmæli       |
| <input type="checkbox"/> starf     | <input type="checkbox"/> starfsreynsla |
| <input type="checkbox"/> umsókn    | <input type="checkbox"/> menntun       |
| <input type="checkbox"/> ferilskrá |  |

### 2. Ég kann orð sem lýsa **persónuleika**

- |  |  |
|--|--|
| <input type="checkbox"/> áreiðanleg/ur | <input type="checkbox"/> traust/ur             |
| <input type="checkbox"/> heiðarleg/ur  | <input type="checkbox"/> skipulögð/skipulagður |
| <input type="checkbox"/> sjálfstæð/ur  | <input type="checkbox"/> klár                  |

### 3. Ég kann að **segja**

- Ég myndi hjálpa þér ef ég gæti.
- Ef ég fengi lottóvinning, myndi ég kaupa mér hús.

4. Æfðir þú þig í að tala?  Já, mikið  Já, svolítið  Nei, mjög lítið  
Hvernig gekk?  Vel  Sæmilega  Ekki vel

5. Æfðir þú þig í að skrifa?  Já, mikið  Já, svolítið  Nei, mjög lítið  
Hvernig gekk?  Vel  Sæmilega  Ekki vel

6. Æfðir þú lestur?  Já, mikið  Já, svolítið  Nei, mjög lítið  
Hvernig gekk?  Vel  Sæmilega  Ekki vel

7. Æfðir þú hlustun?  Já, mikið  Já, svolítið  Nei, mjög lítið  
Skildir þú allt?  Já, allt  Já, mikið  Nei, lítið

8. Notaðir þú orðabók?  Já, mikið  Já, svolítið  Nei, ekki neitt

9. Hvað **lærðir þú nýtt** í 6. kafla? \_\_\_\_\_

\_\_\_\_\_

10. Hvað ætlar þú **að nota**? \_\_\_\_\_

\_\_\_\_\_

11. Hvað þarftu **að læra betur**? \_\_\_\_\_

\_\_\_\_\_

## Lýsingarorð – veik beyging

	kk	kvk	hk
<b>eintala</b>	<i>stór/bleikur/fyndinn</i>	<i>stór/bleik/fyndin</i>	<i>stórt/bleikt/fyndið</i>
nefnifall	stóri/bleiki/fyndni	stóra/bleika/fyndna	stóra/bleika/fyndna
þolfall	stóra/bleika/fyndna	stóru/bleiku/fyndnu	stóra/bleika/fyndna
þágufall	stóra/bleika/fyndna	stóru/bleiku/fyndnu	stóra/bleika/fyndna
eignarfall	stóra/bleika/fyndna	stóru/bleiku/fyndnu	stóra/bleika/fyndna
<b>fleirtala</b>	<i>stórir/bleikir/fyndnir</i>	<i>stórar/bleikar/fyndnar</i>	<i>stór/bleik/fyndin</i>
nefnifall	stóru/bleiku/fyndnu	stóru/bleiku/fyndnu	stóru/bleiku/fyndnu
þolfall	stóru/bleiku/fyndnu	stóru/bleiku/fyndnu	stóru/bleiku/fyndnu
þágufall	stóru/bleiku/fyndnu	stóru/bleiku/fyndnu	stóru/bleiku/fyndnu
eignarfall	stóru/bleiku/fyndnu	stóru/bleiku/fyndnu	stóru/bleiku/fyndnu

Veik beyging er notuð með **ákveðnum** nafnorðum. Nafnorð eru ákveðin ef þau eru með greini eða standa með fornafninu þessi.

**Þessi** stóri strákur heitir Jónas./Stóri strákur**inn** heitir Jónas.

Ég er að tala um stóra strá**kinn** í bleika jakka**num**.

Stóru stráka**rnir** voru að hlæja að fyndna brandara**num**.

**Þessi** stóra kona er systir mín/Stóra kona**n** er systir mín.

Stóru stelpu**nar** voru heima hjá fyndnu konu**nni**.

Ég elska bleiku buxu**nar** mínar.

Stóra húsi**ð** stendur við endann á götu**nni**.

Ég á heima í þessu stóra húsi með bleika þaki**nu**.

Átt þú þessi fyndu börn?

## Viðtengingarháttur 2

	<b>munu</b>	<b>að fá</b>	<b>að eiga</b>	<b>að geta</b>
ég	myndi	fengi	ætti	gæti
þú	myndir	fengir	ættir	gætir
hann/hún/það	myndi	fengi	ætti	gæti
við	myndum	fengjum	ættum	gætum
þið	mynduð	fengjuð	ættuð	gætuð
þeir/þær/þau	myndu	fengju	ættu	gætu

## Ef + viðtengingarháttur 2

Ef ég **ætti** margar milljónir, **myndi** ég kaupa mér hús.

Ef hann **gæti** hjálpað þér, **myndi** hann gera það.

Ef þau **fengju** stóra lottóvinninginn, **myndu** þau fara í ferðalag.

	<b>að vera (viðt.h. 1)</b>	<b>að vera (viðt.h. 2)</b>
ég	sé	væri
þú	sért	værir
hann/hún/það	sé	væri
við	séum	værum
þið	séuð	væruð
þeir/þær/þau	séu	væru

## Halda að + viðtengingarháttur

Ég held að ég **sé** ólétt.

Heldur þú að þú **sért** búinn að læra íslensku?

Hann heldur að hann **sé** veikur.

Ég hélt að þú **værir** vinkona mín.

Við héldum að þið **væruð** heiðarleg.

Þau héldu að hann **væri** farinn heim.





orð	þýðing
að skipuleggja	
að undirbúa sig	
að æfa sig	
atvinna	
auglýsing	
áreiðanlegur	
blankur	
brandari	
drykkfelldur	
ferilskrá	
frumkvæði	
fyndinn	
gjafmildur	
glaðlyndur	
heiðarlegur	
hjálpfús	
hlutastarf	
hreinskilinn	
hugmyndaríkur	
kartöfluflogur	
kjarasamningur	
klár	
listrænn	
menntun	



orð	þýðing
persónuleiki	
samviskusamur	
sjálfstæður	
skapandi	
skipulagður	
sparsamur	
starfsreynsla	
sveitarfélag	
traustur	
umsókn	
vélvirkjun	
viðhald	
þolinmóður	